



Inatsisartunut ilaasortaq
Jens NapátôK'
Naleraq
Maani/

Aalisarsinnaanermut akuersissutit pillugit § 37 naapertorlugu apeqqummut nr. 37_ 2024-mut akissut

05-03-2026
Suliap normua: 2026 - 4550
All. nr. 26272738

Inatsisartut suleriaasianni § 37, imm. 1 naapertorlugu sinerissap qanittuani aalisarsinnaanermut akuersissutinik tunniussisarneq pillugu Naalakkersuisunut apeqquteqarsimavutit. Apeqqut suliassaqaarfigisannit akineqartussanngorlugu innersuunneqarpoq.

Postboks 269
3900 Nuuk
Oq. (+299) 34 50 00
Fax. (+299) 34 63 55
E-mail: apn@nanoq.gl
www.naalakkersuisut.gl

1. Sooq Kuummiuni kiisalu sinerissami sumiiffinni allani innuttaasut aalisarnermut akuersissummik qinnuteqarsimasut suli akissummik tigusaqarsimanngillat?

1-mut) Sinerissap qanittuani aalisarsinnaanermut akuersissutinik tunniussisarnermik suliassaq kommuninit aamma Aalisarnermut, Piniarnermut, Nunalerinermut Imminullu Pilersornermut Naalakkersuisoqarfiup akornanni avinneqarpoq. Aalisartut tamarmik akuersissut ukioq kingulleq pigisamik assiga pissarsiariniarunikku, kommunip allaffianukarsinnaapput akuersissullu ingerlaannartumik pissarsiaralugu. Kommunit sulinerat matumuuna imaluunniit suliap suliarineqarnerani piffissap sooq sivilisunerusinnaanera Naalakkersuisoqarfiup paasisaqarfiginikuunngilaa.

Ingerlatsisunut nutaanut, imaappoq siusinnerusukku aalisarnermut akuersissummik peqarnikuunngitsunut kiisalu 6 meteri sinnerlugit angallataatilit, taava qinnuteqaataat Aalisarnermut, Piniarnermut, Nunalerinermut Imminullu Pilersornermut Naalakkersuisoqarfimmit suliarineqassaaq.

Naalakkersuisoqarfik piffissami kingullermi nappaalanermit eqqugaasimavoq, taamaattumillu nalinginnaasumik sivilisunerusumik suliap suliarineranut pissutaasinnaavoq, kisiannili annerusumik sunnuteqartussaangikkaluarpoq. Qinnuteqaatit takkussuunnerini suliarineqartarput, mailit pisoqaanerit takkuttut siulliullugit suliarineqartarlutik.

2. Aalisarnermut akuersissummik qinnuteqaatit maanna suliarineqarnissaat utaqqisuniittut qassiuppat – immikkoortortakkaarlugit kommunekkaarlugillu?

2-mut) Saaffiginnissutit tamarmik akuersissummik qinnuteqaatit suliarineqartanngimmata, qinnuteqaatit qassit suliarineqarnissaminut utaqqinersut oqaatigisinnaangilarput. Saaffiginnissutit tamaasa suliassanut ilisivimmut takkukkaangata naalakkersuisoqarfiup suliarisarpai.

3. Tunumi Kitaanilu aalisarnermut akuersissutitut qinnuteqaatit agguaqatigiissillugu qanoq sivilutigisumik suliarineqartarpat?

3-mut) Apeqqutaavoq piffissami qinnuteqarfiusumi paasissutissat tamarmik pissarsiarineqarsimanersut. Paasissutissat uppersaatillu tamarmik ingerlaannartumik nassiunneqarpata, pisarnertut ullut pingasut sisamallu iluanni qinnuteqaatit suliarineqartarput, sulineq immikkut tamaviaarfiutillugu ullut qulit angusinnaasarpai. Tamanna suliasat suliarineqartarnerat pillugit inatsisimmi tunngaviusut iluaniippoq.

Paasissutissat uppersaatillu tamarmik piffissami qinnuteqarfiusumi tiguneqarsimanngippata, akuttunngitsumik allaqatigeeqattaartoqassaaq, aatsaallu tamarmik tiguneqaraangata suliamik suliarinninneq aallartinneqarsinnaalersarpoq. Taamaattumik ullunik qulinik sivilunerusinnaavoq. Taamaattumik ullunik qulinik sivilusinnaanerunera pinngitsoorneqarsinnaanngilaq.

Immikkoortut akornanni assigiinngissuteqartoqanngilaq, soorlu oqaatigineqartut saaffiginissutit tiguneqaraangata suliarineqartarmata.

4. Siviluumik suliarinnittoqarneranut suna peqqutaava – sulisut amigaatigineqarnerat, politikkikkut pingaarnersuinerit, maleruagassat nutaat imaluunniit ingerlatsinermi periutsit?

4-mut) Soorlu oqaatigineqartoq Naalakkersuisoqarfik nappaalanermik eqqugaasimavoq, saaffiginissutisulit suliaqartut ikinneqarpata, suliamik suliarinninneq kinguarsinnaavaa. Taamaattoq, kinguaattoornerit ilai aalisartut uppersaatit piumasarineqartunik, soorlu ass. angallatip nalunaarsorsimalernissaanik CVR-milluunniit suliamik sulit aallartitsimanngitsut, nassiussinngitsoorsimanerit sunnerneqarsimasinnaapput. Aalajangersimasumik pissutaasoq uparuarneqarsinnaanngilaq, tamanna qinnuteqartunut ataasiakkaanut apeqqutaasarmat.

5. Naalakkersuisut isumaqarpat aalisartut ingerlatsivimmit utaqqisitaaneq pissutigalugu piffissanik isertitassaraluaminnillu annaasaqartut naapertuuttoq?

5-mut) Saaffiginissutit tamarmik sukanerpaamik suliarineqarnissaat Naalakkersuisoqarfiup tamatigut eqeersimaartumik anguniarpaa, kisiannili aamma erseqqissarusullugu pingaarteqartoq aalisartut piffissami qinnuteqarfiusumi paasissutissat uppersaatillu tamaasa piareersimatissallugit qulakkiissagaat kiisalu aalisarnissamik aallartinnginnerani sapinngisamik piffissaalluarnerani qinnuteqarlutik.


Aalisartut ilaatigut kajumissaarneqarput tusagassiuutsitigut nalunaarutikkut 16. decemberimeersukku 1. januar 2026-utinnagu akuersissummik qinnuteqaqqullugit.

6. Suliat sukanerusumik suliarineqarnissaat anguniarlugu Naalakkersuisut qanoq iliuuseqarniarpat?

6-mut) Aalisartunut allaffissornermullu iluaqutaasussamik sulianik ingerlatsisarnerup pitsaanerulersinnissaa pisariillisaanerlu aalisartunut allaffissornermullu iluaqutaasussat Aalisarnermut, Piniarnermut, Nunalerinermut Imminullu Pilersornermut Naalakkersuisoqarfiup sulissutigiarpai. 2026-mi IT-mik pilersaarutitut suliniut annertooq

ilaatigut pilersaarusiorneqarpoq inernerissavaalu aalisartut amerlanerusut akuersissutini
erngiinnaartumik tunineqarsinnaanerat. Neriutigineqarpoq allannguutit taakkua
aalisartut 2027-mut akuersissummik qinnuteqannginnerini atuutilissasut.

Inussiarnersumik inuulluaqqusillunga



Peter Borg
Aalisarnermut, Piniarnermut, Nunalerinermut, Imminut Pilersornermut Avatangiisinillu
Naalakkersuisoq